

Timor-Leste nia Produtu Internu Brutu (PIB) atu sai ba pursentu 5 iha tinan 2016.

Relatoriu foun Ekonomiku Banku Mundial nian hakerek perspektiva ekonomika ba regiaun Leste Asia pasifika nian.

Dili, 21 de Outubro, 2016. Kresimentu iha Timor-Leste no iha Asia Leste no Pasifiku tomak sei kontinua makas iha tinan tolu oin mai, haktuir Banku Mundial. Relatoriu East Asia Pacific Economic Update husi Banku Mundial nian hato'o oinsa investimentu iha area infraestrutura iha Timor-Leste no reforma seluk hahu hatudu resultadu. Nu entantu, relatoriu ne'e rekomenda atu Timor-Leste uza agora nia rekursu finitu (sei hotu) ho didiak hodi apoia ekonomia nebe diversifikada (oin-oin) no fiskal longu prazu ida sustentavel. Iha Timor-Leste preve ona katak kresimentu sei rekupera ho estimativa ida husi 4,3% iha 2015 ba 5% iha 2016.

Regionalmente, relatoriu ne'e hein katak China sei kontinua nia tranzisaun gradual ba kresimentu ida nebe neneik liu, maibe sustentavel liu; Husi 6.7% iha tinan ida ne'e ba 6.5% iha 2017 e 6,3% iha 2018.

"Ambiente externu ba Timor-Leste kontinua positivu, ho dezenvolvimentu regiaun Asia Leste no pasifiku kontinua sae makas, no valor osan regiaun nian sei sai uitoan kontra Dolar Amerikanu" Dehan David Knight, Ekonomista Banku Mundial nian ba Timor-Leste. "Nu entantu, risku husi kreditu merkadu nian iha regiaun ho monetariu global nebe metin fo preokupasaun iha oin mai, no Timor-Leste tenke resolve restrisoes nebe importante ba kresimentu ekonomiku internu atu dezenvolve opsaun foun ba kresimentu mediu-prazu".

Relatoriu ne hatu analize luan ida kona ba perspektiva ba Asia Leste no pasifiku, inklui Timor-Leste. Relatoriu ne mos preve exigensia domestika sei kontinua makas iha regiaun nia parte barak, ho folin sasan nebe kik sei fo benefisiu ba importadores sasan nian no mante inflasaun kik.

Grupu Banku Mundial nudar fonte finansiamentu boot ida iha mundu ho konesimentu ba nasaun sira nebe dezenvolve hela. Ninia misaun atu hamenus kiak no hadia padraun vida ema nian iha mundu nebe sei dezenvolve.

Grupu Banku Mundial servisu hamutuk ho Governu Timor-Leste hahu iha 1999.

Liu husi projetu sira no assistensia teknika, ita servisu hamutuk atu ajuda hadia fali infraestruturua nasional, estabiliza ekonomia, hari governu nia instituisaun nebe makas ho garante gestaun finanseira publika ida ke diak.

Le “Timor-Leste Economic Update” iha [Ingles](#) (insert ENGLISH link) no [Tetum](#) (insert link)

Kontaktu

Iha Dili: Matt Wilkinson, +67 78440429, mwilkinson@worldbank.org

Atu hetan informasau kona ba Grupo Banku Mundial nia servisu iha Timor-Leste, favor visita:

www.worldbank.org/tl.

Hare ami iha Facebook: www.facebook.com/worldbank

Aktualiza an liu husi Twitter: www.twitter.com/wb_asiapacific

Ba ami nia kanal YouTube: www.youtube.com/worldbank